

## FOTO: Finaliziraju se unutrašnji radovi u Ferhadija džamiji

19/05/2015 11:05 by Administrator

Ferhadija džamija u Banja Luci posljednjih dana vraća svoj nekadašnji izgled, a izvode se završni unutrašnji radovi. Uređenje harema džamije je završeno, a oslikana je i centralna kupola, pištolje bh. novinska agencija Patria. Postavlja se centralni luster kao i mali lusteri na ostalim kupolama. Njeno otvaranje planirano je za ljeto 2015. godine.

### FOTO OVDJE:

Podsjećamo, Ferhat-pašina džamija srušena je do temelja 7. maja 1993. godine nakon 414 godina postojanja. Njeni ostaci odvezeni su na deponiju smeća. Džamija Ferhadija bila je jedna od 16 džamija srušenih u Banjoj Luci tokom agresije na BiH od 1992. do 1995. godine. Njenu obnovu pokrenuo je Rijaset Islamske zajednice u BiH 2001. godine gdje je prilikom pokupanja grupe vjernika da polože kamen temeljac za izgradnju džamije Ferhadije u Banjoj Luci, više stotina srpskih ekstremista spriječio taj čin te je u eskalaciji etničkog nasilja nezabilježnog od okončanja rata u BiH, smrtno stradala jedna osoba, a desetine zadobile povrede. Ferhadija je sagrađena 1579. godine i predstavljala je jedno od najuspješnijih arhitektonskih zdanja iz osmanskog perioda, zbog čega je bila uvrštena u kulturnu baštinu Bosne i Hercegovine, a potom i na listu spomenika svjetske baštine pri UNESCO-u. Jedan od najvećih donatora bila je TIKA (Turska državna agencija za međunarodnu saradnju i razvoj), kao i brojni pojedinačni donatori, pojedinci i vjernici. Upravo je 7. maj nakon završetka agresije na BiH proglašen Danom džamija.

Izvor vijesti: nap.ba